

封祀俄慰後來於西土復祈介福於方丘俾  
茂典之有成賴殊休之伸錫是以遐瞻祕宇  
恭薦精衷期玄感以紹臨庶鴻禧之永洽臣  
無任懇倒之至謹詞

泗州塔下

伏以化流真俗惠沃人天莫五達之名區挺  
百常之寶塔昨以時巡冀壤親祀坤靈典禮  
咸昭書文無外荷明祇之協吉資大士之儲  
休是以避為精衷用請介福冀慈心之不捨  
俾繁祉以荐臻臣無任懇倒之至謹詞

滋福殿道場謝降臨詞一道

聖祖天尊大帝

伏以長發之符啓鴻源而有自來成之佑昭  
丕應以無方膺既施以荐臻勵齊明而斯積  
屬以辟容作繪祕宇延真祇傑于中奉蕭鄰  
而增揚監觀在上迴欵駕以儲祥玉羽群嬉  
瑤觴徧舉緬懷錫類實用戰兢恭答凝禎豈  
忘欽翼敢罄伸於精意庶仰答於景靈臣無  
任懇倒之至謹詞

宋真宗御製玉京集卷之五

宋真宗御製玉京集卷之六

宣

為皇子事詞一道

聖祖天尊大帝

伏以靈禧丕顯道隆博臨承景洽于天際顯  
多昌于世曾皇子未克諧成立成繁寵綬具  
章綬而寶璫屢頒分珪玉而列爵爰啟燕翼  
之訓垂慶緒以無疆祇畏之心率真科而仰  
報臣無任懇倒之至謹詞

祈福詞一道

聖祖天尊大帝

竊思錫類儲仁承基紹緒蓋仰依于積祐  
乃俯洽于多祥今以爽氣方新火旗攸祝奉  
真科于琳館達精意于璇都伏願九域晏寧  
五稼豐稔黎元靡于疾疢家邦集于福禧繼  
孝之心敢忘于兢惕來同之杜常冀于昭彰  
臣無任懇倒之至謹詞

謝刻玉梓稿詞一道

天尊

向以茂膺寶命申錫元符肇建琳宮用昭  
玉牒秘文仰奉將置於琅函臨玉言刊先奉

於錄字式當協吉方在致虔願河洛之書近  
臨於外次瞻紫清之座益勵於至恭臣無任  
懇倒之至謹詞

為奉祀事詞九道

三清玉清

仰報純禧俯從復望屬鄉仙宇將展於朝  
脩春首令辰式遵於時邁敢伸嘉薦用禱祥  
徵伏冀霄極降禎綿區俾乂使輿情而咸若  
致盛典以斯成春祐之靈儻符於昭感實畏  
之志彌切於至虔臣無任懇倒之至謹詞

聖祖天尊大帝

願考古經適宜茂則靈區款謁方祝於純  
禧法從戒期將詢於吉日佇祥微而允洽故  
精意以虔伸伏冀佑錫高旻慶敷綿寓俾人  
祇而胥悅使典禮之咸宜惕惕之心敢忘於  
善禱獲禱之應益俟於來同臣無任懇倒之  
至謹詞

三清上清

祇考禮經恭懷道隆琳宮款謁已戒於先  
期玉輅首方即登於夷路冀誕敷於景貺敢

仰叩於清都伏冀萬國咸康千祥紛委克揚  
茂則允賴純禧仰望殊庭願精衷而斯薦益  
祈鴻應昭介祉而無疆臣無任懇倒之至謹  
詞

三清太一

臣緬賂靈域祗謁僊祠協吉元龜已謀於剛  
日戒期大輅即涉於皇衛思介祉之誕隆故  
至誠而仰薦伏冀克揚嘉應茂集丕禎俾區  
寓之晏康致禮容之昭顯殊庭瞻望罄述於  
精衷神鑒章明允期於鴻福臣無任懇倒之  
至謹詞

聖祖天尊大帝

臣仰懷純錫俯勵至精三楹之慶將伸於款  
謁六縣之駕方屬於戒期思眷祐以誕敷故  
實威而昭薦伏冀高明降顧祉福來成俾溥  
率以咸康使禮容而克展無疆之錫儻荷於  
鑒觀不匱之心益期於祗懌臣無任懇倒之  
至謹詞

三清無極

臣欽崇秘道款謁真官六轡者方已戒期於

春序九符即路將展禮於靈辰思鴻應之有  
敷勵精心而無敢伏冀高明垂貺溥率同歡  
俾茂實之克揚侯丕休之允屬夙興之意敢  
怠於至虔降鑒之仁益祈於丕顯臣無任懇  
倒之至謹詞

聖祖天尊大帝

臣緬望屬鄉載籍春序靈宮款謁已吉於先  
期齋輅者方俯臨於剛日佇凝楨之昭錫伸  
虔禱之勵精伏冀茂集千祥保康萬常克揚  
盛節允賴鴻休祗懌之懷顧夙宵而靡舍鑒  
觀之祐期紫清而誕敷臣無任懇倒之至謹  
詞

三清

謝玉清昭應宮奉安聖像祥瑞詞一道

臣向以獲聞丕緒思佑寶圖乃屬至精用揚  
累盛申詔列郡虔奉真儀建恭館於燕都方  
興茂則仰僊遊於瀛嶽運集殊楨允協靈期  
再翔瑞羽祗荷昭彰之應實增齊保之心臣  
無任懇倒之至謹詞

先天節詞一道

三清

伏以紀颺馭之下臨肇新今序願靈場之中  
啓用報鴻楨昭感有數祥經丕觀集翺翻之  
珍羽見沃洽之純禧仰眷祐之心永隆於景  
貺屬寅恭之志常守於慶基臣無任懇倒之  
至謹詞

內中設醮謝祥瑞詞一道

三清

臣紹膺寶命繼受珍符願盛典之增修遠祥  
楨而昭顯商雲絢彩僊羽流音宵厚之心表  
願懷而斯在夙宵之志慶屬翼而攸動中禁  
密清醮筵祗肅其垂鑒佑洞察實威臣無任  
懇倒之至謹詞

上清宮設醮謝祥瑞詞一道

三清

臣恭續成基誕膺丕貺方琳官而順拜爰膏  
極而降衷嘉氣細縈靈禽頌頌祈高昊之鴻  
應俯佑楨圖屬明發之小心仰酬靈眷瞻言  
靖館恭肅應筵期委鑒之昭章洞至誠之欽  
翼臣無任懇倒之至謹詞

為大事詞十三道

三清 王清昭應宮

臣顧以眇躬續茲大寶雖純禧之澤洽實至治之未臻屬以官城偶延焚燎眷言朝列頗屬震驚雖人事之有因敢忘於祗畏庶靈謀之不昧曲照於戰兢虔達中懷用仰昭謝臣無任懇倒之至謹詞

玉皇

臣紹撫中區有慙盛德雖炳靈之曲祐然制治之失中屬以藩房煽茲遺燼久方從於撲滅違願致於延燒誠則因人敢忘罪已但思抑畏以務增修庶協側身九期降顧臣無任懇倒之至謹詞

聖祖天尊大帝

臣仰承保佑但積實威術念震驚靡違章處蓋由王邸不謹於周防乃致宮城頗延於焚燎實慙人事莫副靈心引咎之懷但兢兢而無捨昭謝之懇庶明明而曲臨臣無任懇倒之至謹詞

北極

臣永惟涼德仰紹丕圖雖明發以自動顧政經而多闕因故王邸不謹於防閑遽致宮城頗延於焚燎敢忘引咎以謝皇靈允其儲仁洞明丹懇臣無任懇倒之至謹詞

天書

臣內顧沖人存膺瑞命雖靡志於恭已實無報於降禎餘燼相延偶興於王邸連覺莫過遂及於宮城載念震驚愈增祗懼敢思引咎用謝錫符臣無任懇倒之至謹詞

太祖皇帝

臣祗紹慶基茂膺蕃錫顧惟涼德靡報發祥屬烈譖之相延自維城而欵燭既難獨爾遂致焚如內顧眇沖有虧於申儆仰懷夙累伏積於多慙昭謝宗材敢忘寤寐臣無任懇倒之至謹詞

太宗皇帝

臣欽承命歷祗紹基圖申儆有虧延災斯作顧茲遺燼偶發於宮城致彼爇煙頗驚於民聽戴惟人事之不謹實慙邦治之無聞兢業之懷靡遺於明發昭謝之志庶罄於章修臣

無任懇倒之至謹詞

二星殿

伏以天顧之仁實膺於保佑君臨之德但愧於眇沖火禁罔修宮城延燎蓋不謹於人事敢有側於靈心昭謝著明敢忘克己恭伸精意允鑒至虔名無任懇倒之至謹詞

翊聖

伏以沖眇之姿仰膺於寶命兢業之志庶答於鴻禎言屬威藩偶忘周慎遂令烈譖遽有延燒既觀震驚益懷祗畏敢忘咎已用謝炳靈名無任懇倒之至謹詞

諸小殿

竊以命歷仰承茂臻景既眇沖俯念莫報不祥由不謹於維城致延災於烈燄震驚中禁焚燎端聞思盛德之靡昭積丹心之引咎敢伸致謝允其俯臨名無任懇倒之至謹詞

三清上清

臣眇沖之德靡足感通亨昊之仁誕回春顧莫洽建中之治遽生炎上之祥維城偶失於慎微烈燄欵禱於延燎載惟菲薄敢急責躬

祇述誠明庶仲昭謝臣無任懇倒之至謹詞

玉皇

臣願以眇躬紹茲丕歷雖靡忘於兢業蓋偶  
英於隄防藩邸之中遂因遺爐端闈之內遂  
致延燒思有失於慎微實自深於克已恭仲  
昭謝允鑒至誠臣無任懇倒之至謹詞

聖祖天尊大帝

臣續紹慶圖祇畏靈命雖懷戰慄報鑒觀  
烈燄延災偶興於王邸環廊莫救遂及於端  
門內省眇冲靡違寧處庶鳴燎而昭謝敢精  
意而洞仰臣無任懇倒之至謹詞

宋真宗御製玉京集卷之六

太上濟度章教卷上

官七

章

廷生解厄章七曜齊用

具位臣未識惶誠恐稽首頓首拜上言臣  
滋切真秩播揚玄風凡淑切以版投蓋懇懇  
而敷奏臣謹據齊意臣仰惟闕宮廣覆列緯  
經行司下土之機祥察人生之禍福况命分  
技輪運列祿刑六甲三元周行歲月三災九  
厄巡察日時自非請命以扶衰為俾消災而  
益算謹為拜章一通上聞三天伏望帝恩昭  
曠宸澤敷羅特降勅命宣告日月星宿璣璣  
玉衡三天玄曹十二分野六十甲子主宰官  
君特為齋主臣人除本生身命之災解流年  
臨犯之厄二運三限俱進吉星八卦九宮無  
違惡曜庶獨災患逐積禱臣謹為上請南  
上君壽命君丹秩君籍官君消災君解穢君  
各一人官將各一百二十人主消滅惡星度  
厄益壽太和真一好生君運氣君定貴君各  
五人官將各一百二十人主和順流年禳解  
惡曜解刑度厄君廷壽益算君請命好生君

收刑却煞若斷刑絕煞若執刑收煞若各五  
人官將各一百二十人主益算延年拘制刑  
煞萬福君南極君司命君太白明星君定名  
玉曆君財庫祿庫君各五人官將各一百二  
十人主增注生名削落死籍拘魂制魄君周  
玉君各一人玉曆素女千二百人主拘魂守  
魄錄神衛氣天曹解災去禍君五方生炁君  
益命廷壽君六甲將軍從官吏兵主度厄消  
災除邪保命庶使齋主臣人運限協和身命  
安泰動靜出入有祿馬之加臨分野躡離無  
災刑之衝戰木星為災金星制之土星為災  
木星制之金星為災火星制之水星為災土  
星制之俾得調理五行和合四象命基鞏固  
壽址堅牢度厄扶衰解災保算益廣好生之  
澤上禱育物之仁蒙如所陳允昭玄貺恩惟  
大道分別求哀臣懇謹因二官直使正一功  
曹左右官使者陰陽神決吏科車赤符吏剛  
風騎置吏驛馬上章吏飛龍騎吏進章鳳凰  
騎上章雲龍騎言章風發騎御章神龍騎奏  
章飛龍飛虎騎各二人出操臣為齋主臣人